



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Petri Danielis Huetii Demonstratio Evangelica**

**Huet, Pierre Daniel**

**Parisiis, 1679**

Caput decimum quintum. Infantium caedes ab Herode perpetrata.

**urn:nbn:de:hbz:466:1-16260**

Isa. 8. 3, 4. *Et dixit Dominus ad me, Vo-  
ca nomen ejus, Accelera spolia detrahere, Fe-  
stina pradari: quia antequam sciat puer vocare  
patrem suum & matrem suam, auferetur for-  
titudo Damasci, & spolia Samaria coram rege  
Assyriorum.*

Isa. 60. 6. *Omnes de Saba venient, auram  
& thus deferentes, & laudem Domino annun-  
tiantes.*

venerunt puerum cum Maria matre ejus, & pro-  
cidentes adoraverunt eum, & apertis thesau-  
ris suis obtulerunt ei munera, aurum, thus,  
& myrrham.

CAPUT XIV.

Jesus fugit in Ægyptum, & post diuturnam moram  
redit in patriam.

OSE. II. 1. *Ex Ægypto vocavi filium  
meum.*

MATTH. 2. 14, & seq. *Qui (Joseph)  
conspurgens accepit puerum, & matrem ejus no-  
ste, & secessit in Ægyptum, & erat ibi usque  
ad obitum Herodis: ut adimpleretur quod di-  
ctum est à Domino per Prophetam dicentem,  
Ex Ægypto vocavi filium meum. . . . . Defun-  
cto autem Herode, ecce Angelus Domini appa-  
ruit in somnis Joseph in Ægypto, dicens: Sur-  
ge, & accipe puerum & matrem ejus, & va-  
de in terram Israël; defuncti sunt enim qui  
querebant animam pueri. Qui consurgens ac-  
cepit puerum, & matrem ejus, & venit in  
terram Israël.*

CAPUT XV.

Infantium cædes ab Herode perpetrata.

JEREM. 31. 15. *Hæc dicit Dominus: Vox in  
excelsis audita est lamentationis, luctus, & fle-  
tus Rachel plorantis filios suos, & nolentis  
consolari super eis, quia non sunt.*

MATTH. 2. 16, & seq. *Tunc Herodes vi-  
dens quoniam illusus esset à Magis, iratus est  
valde, & mittens occidit omnes pueros qui erant  
in Bethlehem, & in omnibus finibus ejus, à  
bimatu & infra, secundum tempus quod ex-  
quisierat à Magis. Tunc adimpletum est quod  
dictum est per Jeremiam Prophetam dicentem,  
Vox in Rama audita est, ploratus & ululatus  
multus, Rachel plorans filios suos, & noluit  
consolari, quia non sunt.*

I. MEMORABILE est, & ad fidem Evangelicæ Historiæ conciliandam  
peropportunum Augusti dictum, de Herodis sævicia in Judæorum infan-  
tes, ipsumque adeo ejus filium, quod refertur à Macrobio. *Cum audisset, inquit, in-  
tra pueros, quos in Syria Herodes rex Judæorum intra bimatum jussit interfici, filium quoque  
ejus occisum, ait, Melius esse Herodis porcum esse quam filium. Filius ille Herodis inter pue-  
ros Judæos Bethlehemitas à patre interfectus, ecquis tandem fuerit, varie est ab eru-  
ditis disceptatum. Baronius, aliique censent fuisse eum infantem recens natum, jussu  
patris cum aliis interfectum, ne is foret ad quem, ex Magorum vaticinio, regnum Ju-  
dæorum esset perventurum, ejus mentionem fuisse prætermittam à Josepho, quem alias  
res complures memoria dignas silentio quoque pressisse constat, velut Jobi historiam  
& Piscinæ ad Probaticam portam, cujus præter Johannem Benjamin quoque memi-  
nit in Itinerario. Hanc opinionem merito refellit Casaubonus. Opinatur Grotius  
duas historias in unam confudisse Macrobius, alteram de Berhlehemitarum infan-  
tium cæde, quam ex libris Christianorum, Christianus fortasse & ipse acceperat;  
alteram de cæde Antipatri à patre Herode interfecti: cujus opinionis argumenta pro-*

Expenditur  
locus Macro-  
bi de dicto  
Augusti, cum  
Herodis filium  
inter Berhle-  
hemiticis in-  
fantes occisum  
acceperat.  
Macrobi. Sat.  
libr. 1. cap. 4.  
Baron. ad A. 1.  
cap. 50.  
Casaub. adv.  
Baron. Exercit.  
1. cap. 16.  
Grot. in Matth.  
2. 16.



March. 2. 16.

fert nonnulla. Equidem Antipatrum à Macrobio notari existimo; sic tamen ut non duas in unum confuderit historias, sed unicam historiam, eamque distinctam ac veram narraverit. Nam quod scribit occisum eum fuisse inter pueros Bethlehemitas, non sic intelligendum est, quasi unus fuerit ex his pueris; sed quo tempore trucidati illi sunt, eodem & hunc morte fuisse affectum. Inane ergo est quod objicit Grotius, Antipatrum jam provecum ætate, quique Bethlehemi non erat, cum interficerentur Bethlehemitici infantes, non satis recte dici inter eos fuisse occisum. Cædes modo Antipatri & infantium eodem circiter tempore, ejusdemque hominis jussu patrata sit, etiamsi magnum inter hos, illumque fuerit discrimen ætatis, nec eodem loco cæsi sint, jure dicitur inter illos fuisse necatus: cum præsertim non intra Bethlehemi oppidi muros laniena hæc grassata sit, sed omnes ejus fines fuerit pervagata, ut habet Evangelista. Addit Grotius Antipatrum quinto ante Herodis mortem die fuisse occisum: *μαρδοκωβιας* autem aliquanto ante contigisse, idque intelligi ex eo quod defuncto Herode in patriam ex Ægypto statim Joseph cum Jesu & Maria redierit. Si tempora recte distinxeris, plana omnia sient. Nam post discesum Magorum, de capefenda in Ægyptum fuga admonitus Joseph ab Angelo, illuc statim profectus est. Secuta est deinde aliquanto post *μαρδοκωβιας*. Hanc excepit Antipatri interitus. Extinctus est quinto post die Herodes ipse. Rumor postmodum confusus, ut fit, & indistinctus de cæde infantium & Antipatri dissipatur, venitque ad Augustum; qui re nondum accurate explorata, neque discrimine locorum, aut facinoris modo, caussive intellectis, memor jam duos ab Herode filios prius interfectos, Alexandrum & Aristobulum, Melius esse dixit Herodis porcum esse, quam filium. Instat Grotius, atque dictum ad Antipatri cædem, non ad *μαρδοκωβιας* pertinere, atque inde apparere prius illud solum ad Augustum esse perlatum, Macrobius vero illuc *μαρδοκωβιας* mentionem perperam atexuisse. Quod ita se habere non concedimus: nam ut atrocius Augusto visum est, Herodem in provecum ætate jam dignitatis participem sævisse, quam in ignobile puerorum vulgus, ita illud potius dicto falso, quam istud profectus est. Fortasse & de *μαρδοκωβιας* quid sentiret adjecit, sed à Macrobio, vel ab eo unde acceptit Macrobius, prætermisum hoc est, cui jocos tantum Augusti referre fuerat propositum. Constet ergo hac in parte sua fides Macrobio, qui illustri testimonio Evangelicam hanc historiam asseruit.

## CAPUT XVI.

Jesus habitat Nazarethum, & Nazareus appellatur.

JUDIC. 13. 5, 7. *Concipies & paries filium, cuius non tanger caput novacula: erit enim Nazareus Dei ab infantia sua, & ex matris utero; & ipse incipiet liberare Israël de manu Philistinorum. . . . . Ecce concipies & paries filium, cave ne vinum bibas, nec siceram, nec aliquo vescaris immundo; erit enim puer Nazareus Dei ab infantia sua, ex utero matris sue, usque ad diem mortis sue.*

ISA. 11. 1. *juxta Ebraicum exemplar: Et egredietur virga de radice Jesse, & Nazareus de radice ejus ascendet.*

ISA. 53. 2. *Et ascendet sicut virgultum, & sicut radix de terra sitienti.*

MATTH. 2. 22, 23. *Admonitus (Joseph) in somnis, secessit in partes Galilææ. Et veniens habitavit in civitate qua vocatur Nazareth, ut adimpleretur quod dictum est per Prophetas, Quoniam Nazareus vocabitur.*

LUC. 9. 39, & seq. *Et ut perfecerunt (Joseph & Maria) omnia secundum legem Domini, reversi sunt in Galilæam, in civitatem suam Nazareth. Puer autem crescebat. . . . . Et descendit (Jesus) cum eis, & venit Nazareth, & erat subditus illis.*

## CAPUT XVII.

Johannes Christi præcurfor.

ISA. 40. 3, & seq. *Vox clamantis in deserto, Parate viam Domini, rectas facite in solitudine semitas Dei nostri. Omnis vallis exaltabitur.*

MATTH. 3. 1, & seq. *In diebus autem illis venit Johannes Baptistæ prædicans in deserto Judææ, & dicens, Pœnitentiam agite,*